

তৃতীয় অধ্যায়

পটভূমি ইতিহাস (দুর্গেশনন্দিনী ও কপালকুণ্ডলা)

বঙ্কিমচন্দ্র বাংলার ইতিহাস নিয়ে যে সব উপন্যাস রচনা করেছেন, 'যুগলাঙ্গুরীয়' ভিন্ন, সেগুলির সময়কাল ত্রয়োদশ শতাব্দীর সূচনা থেকে অষ্টাদশ শতাব্দীর শেষভাগ পর্যন্ত, — অর্থাৎ প্রায় ছ'শো বছর। কৌতূহলের সঙ্গে লক্ষণীয় বিষয় এই যে, বঙ্কিমচন্দ্র এই দীর্ঘ কালসীমার মধ্য থেকে উপন্যাসের কাহিনী কখনের ক্ষেত্রে সর্বত্রই ঐতিহাসিকভাবে নির্বাচন করেছেন।

কালের হিসাবে 'মৃগালিনী' ত্রয়োদশ শতাব্দীর সূচনায় তুর্কী বিজয় ও তার সমকালের কাহিনী। 'দুর্গেশনন্দিনী' ষোড়শ শতকের শেষভাগে মোগল বিজয় কাহিনী। 'সীতারাম' সপ্তদশ ও অষ্টাদশ শতকের সন্ধিকালে, মোগল শাসনের দুর্দিনে হিন্দুর পুনরুত্থান প্রচেষ্টার কাহিনী। পলাশীর যুদ্ধে জয়লাভ করলেও বাংলাদেশে ইংরেজদের সামরিক শক্তির প্রাধান্য প্রতিষ্ঠা পায় অষ্টাদশ শতাব্দীর তৃতীয় পাদে, নবাব মীরকাসিমের পরাজয়ের পর। 'চন্দ্রশেখর' উপন্যাসে এই ঐতিহাসিকালের কথা আছে। বাংলাদেশে ইংরেজ শক্তি প্রাধান্য লাভ করলেও দুর্ভিক্ষ ও দস্যুতার ফলে দেশ ছিল বিশৃঙ্খল। 'আনন্দমঠ' উপন্যাসে এই বিশৃঙ্খলা দূর করে ইংরেজের সুশৃঙ্খল রাজ্য স্থাপনের কথা আছে। 'দেবী চৌধুরাণী' আনন্দমঠের প্রায় সমসাময়িক কালের কথা।

ইতিহাসের ঐতিহাসিকতার এই সব ঘটনার উত্থান-পতনের ঘন-ঘটার মধ্য থেকে ইতিহাসের প্রকৃত সত্যকে আবিষ্কার করা অত্যন্ত দুর্লভ এবং নাটকীয় ক্রিয়া-প্রতিক্রিয়ার বিমোহের ফলে উপন্যাসিকের পক্ষে ইতিহাসের সীমারেখা অতিক্রম করার সম্ভাবনা অত্যন্ত প্রবল। কিন্তু বঙ্কিমচন্দ্র প্রায় কোথাও উপন্যাসের অনুরোধে ইতিহাসের 'তথ্য'-কে এবং ইতিহাসের অনুরোধে উপন্যাসের 'সত্য'-কে বিকৃত করেন নি। তিনি অসাধারণ প্রতিভা বলে অতীতের প্রাণস্পন্দনটুকু উপলব্ধি করেছেন এবং আশ্চর্য কৃষ্ণক বলে ভাষার অতীত এক লুপ্ত জগৎকে আমাদের চোখের সামনে জীবন্ত ও দীপ্ত করে তুলেছেন।

দুর্গেশনন্দিনী

বঙ্কিমচন্দ্রের 'দুর্গেশনন্দিনী' (১৮৬৫) ষোড়শ শতাব্দীর শেষভাগে (১৫৬০) থেকে ১৫৯০ খ্রিস্টাব্দের মধ্যে) যোগল শাসনের বিরুদ্ধে বাংলা-বিহার-উড়িষ্যার পাঠান-বিদ্রোহ এবং যোগল-পাঠানের সংঘর্ষের পটভূমিকায় রচিত। এই বিদ্রোহ দমন করেন যোগল-সম্রাট আকবরের অন্যতম সেনাপতি অমুরাধিপতি মানসিংহ। ইতিহাস পাঠে আমরা জানতে পারি যে, "During 1590 the rebellion in Bengal, Behar and Orissa was finally crushed by Man Singh and his son Jagat Singh." ১

ঐতিহাসিক যদুনাথ সরকার বলেছেন — " বাস্তব : 'দুর্গেশনন্দিনী'র বিষয় বস্তু হইল মুঘল সম্রাট কর্তৃক পাঠানদের হাত হইতে বঙ্গবিজয়। বঙ্কিম পদে পদে ঐতিহাসিক সত্য রক্ষা করিয়া এটাকে বর্ণনা করিয়াছেন। তাঁহার 'নাটোল্লিখিত ব্যক্তি-গণ'ও প্রায়শঃ সত্য ইতিহাস হইতে লওয়া এবং সেই যুগের উপযোগী চরিত্র ও ভাব দিয়া সাজাইয়া তাহাদের খাড়া করা হইয়াছে। এমন কি, মানসিংহের বহু-নারী-বল্লভ্যু, রাজপুত্র-সম্ভ্রান্ত ঘরে নিয়ুজাতীয়া বাদী ('পাসুবান্' বা 'পাগ্রী') রাখা: বঙ্গে মানসিংহের পুতিনিধির অতুলনীয় বীরত্ব এবং অধিক সংখ্যক পাঠান সেনার পরাজয়, দুর্গ মধ্যে অত্যাচার ও খুন — এ সব কথা সেই যুগের সত্য ইতিহাস হইতে জানা যায়। তাঁহার কল্পনা হইতে আসিয়াছে শূধু জগৎসিংহ ও তিলোত্তমার প্রেমকাহিনী এবং আয়েমার দেবকন্যা সদৃশ চরিত্র-কথা।" ২

'দুর্গেশনন্দিনী' উপন্যাসের কাহিনী-সূত্র বঙ্কিমচন্দ্র প্রথম পেয়েছিলেন। তাঁর খুল্লপিড়ামহের কাছ থেকে।" তাঁহার নিকট বঙ্কিমচন্দ্র প্রথম গড়মান্দারণের ঘটনা শুনিয়েছেন, যদিও ঐ ঘটনা আকবর শাহা বাদশাহের সময় ঘটিয়াছিল তথাচ তিনি উহা জানিতেন। সেকালের প্রাচীনেরা মুসলমান বাদশাহদিগের সময়ের অনেক ঘটনা জানিতেন। আমাদের মেজঠাকুরদার যথেষ্ট যথেষ্ট বিষ্ণুপুর অঞ্চলে যাওয়ায় ছিল। মান্দারণ গ্রাম জাহানাবাদ ও বিষ্ণুপুরের মধ্যস্থিত। ঐ অঞ্চলে মান্দারণের ঘটনাটি উপন্যাসের ন্যায় নোকমুখে কিয়দংশে রূপে চলিয়া আসিতেছিল। মেজঠাকুরদা উহা ঐ স্থানে শুনিয়াছিলেন, এবং মান্দারণের জমিদারের গড় ও বৃহৎ পুরী ভগ্নাবস্থায় দেখিয়াছিলেন। তাঁহারই যুগে

প্রথম শূনি যে, উড়িষ্যা হইতে পাঠানেরা মান্দারণ গ্রামের জমিদারের পুরী লুটপাট করিয়া তাঁহাকে ও তাঁহার স্ত্রী ও কন্যাকে বন্দী করিয়া নইয়া যায়, রাজপুত কুলটিলক কুমার জগৎ সিংহ তাঁহাদের সাহায্যার্থে প্রেরিত হইয়া বন্দী হইয়াছিলেন। এই গল্পটি বঙ্কিমচন্দ্র আঠার-উনিশ বর্ষ বয়স্ক-যে শূনিয়াছিলেন। তাহার কয়েক বৎসর পরে 'দুর্গেশনন্দিনী' রচিত হইল।" ^৩

খুল্লিপিতামহের কাছে পাওয়া কাহিনী সূত্রের সঙ্গে চার্লস স্টুয়ার্টের 'হিস্ট্রি অব বেঙ্গল' থেকেও বঙ্কিমচন্দ্র দুর্গেশনন্দিনী উপন্যাসের উপাদান সংগ্রহ করেছিলেন। স্টুয়ার্ট লিখেছেন — "In the year 998, the Raja (Man Singh) planned an expedition for the recovery of Orissa out of the hands of the Afghans. Having assembled the troops of Behar, at Bhagalpur, he marched through the Western hills to Burdwan; but previous to his setting out, he had ordered Sayid Khan to march with the troop of Bengal by the route of cutwa, and to form a junction with him at Burdwan. Upon his arrival at this place, he received an apology from his deputy, stating that he had experienced so much difficulty and delay in equipping his army, he was afraid the rainy season would set in before anything could be effected against the Afghans; and therefore strongly advised the Raja to Canton his army till the conclusion of the rains, when he would immediately join him. The Raja was much disappointed at this intelligence; but seeing no remedy, he directed cantonments to be built for the army at Jehanabad, on the bank of the Darkisor river, not many miles distance from present Calcutta." ^৪

বঙ্কিমচন্দ্র তাঁর উপন্যাসে স্টুয়ার্টের এই বর্ণনার প্রায় হুবহু অনুবাদ প্রদান করেছেন। তিনি লিখেছেন —

" ১১৬ সালে যানসিংহ পাটনা নগরীতে উপনীত হইয়া প্রথমে অপরায়ণ উপদ্রবের শান্তি করিলেন। পর বৎসরে উৎকল বিজিনীমু হইয়া উদভিমুখে যাত্রা করিলেন। যানসিংহ প্রথমে পাটনায় উপস্থিত হইলে পর, নিজে তনুগরীতে অবস্থিতি করিবার অভিপ্রায় করিয়া বঙ্গদেশ শাসন জন্য সৈদ খাঁকে নিজ প্রতিনিধি নিযুক্ত করিলেন। সৈদ খাঁ এই ভারপ্রাপ্ত হইয়া বঙ্গদেশের তাত্‌কালিক রাজধানী উড়ানগরে অবস্থিতি করিতেছিলেন। এক্ষণে রণাশায় যাত্রা করিয়া যানসিংহ প্রতিনিধিকে যুদ্ধে আহ্বান করিলেন। সৈদ খাঁকে লিখিলেন, যে, তিনি বর্ষযানে তাঁহার সহিত সন্মিলনে মিলিত হইতে চাহেন।

বর্ষযানে উপনীত হইয়া রাজা দেখিলেন যে, সৈদ খাঁ আসেন নাই, কেবলমাত্র দূত দ্বারা এই সংবাদ পাঠাইয়াছেন যে, সৈদ খাঁদি সংগ্রহ করিতে তাঁহার বিস্তর বিনমু সম্ভাবনা, এমন কি, তাঁহার সৈন্যসংজ্ঞা করিয়া যাইতে বর্ষাকাল উপস্থিত হইবে ; অতএব রাজা যানসিংহ আপাততঃ বর্ষা শেষ পর্যন্ত শিবির সংস্থাপন করিয়া থাকিলে তিনি সৈন্য সমভিব্যাহারে রাজ সন্নিধানে উপস্থিত হইবেন। রাজা যানসিংহ অগত্যা তৎপরামর্গানুবর্তী হইয়া দারুকেরুরীতে শিবির সংস্থাপিত করিলেন। তথায় সৈদ খাঁর প্রতীক্ষায় রহিলেন।" ৫

এই প্রসঙ্গে বলা দরকার যে, ইতিহাস গুণে ষ্টুয়ার্ট হিজরী সন এবং উপন্যাসে বঙ্কিমচন্দ্র বাংলা সনের ব্যবহার করেছেন। রাজা যানসিংহ ১১৭ হিজরী সন বা ১১৬ বঙ্গাব্দে বিহারের বিদ্রোহ দমন করে ১১৮ হিজরী সন বা ১১৭ বঙ্গাব্দে ঝাড়খণ্ডের পথে উড়িষ্যা জয় করার জন্য যাত্রা করেন। তিনি ভাগলপুর ও বর্ষমান হয়ে জেহানাবাদে পৌঁছান এবং সেখানে শিবির স্থাপন করেন।

'১১৭ বঙ্গাব্দের নিদাঘ শেষে একদিন' বিষ্ণুপুর থেকে মান্দারগের পথে একাকী গমসকারী জগৎসিংহ নামে একজন অশুরোহী যুবা পুরুষের সঙ্গে 'দুর্গেশনন্দিনী' উপন্যাসের পাঠকদের প্রথম পরিচয়। বঙ্কিমচন্দ্র বলেছেন — "জগৎসিংহ রাজপুত্র, কি প্রয়োজনে বঙ্গদেশে আসিয়াছিলেন, কেনই বা প্রান্তর ঘণ্টে একাকী গমন করিতেছিলেন, তৎপরিচয় উপন্যাসে এই সময়ের বঙ্গদেশ সম্বন্ধীয় রাজকীয় ঘটনা কতক কতক সংক্ষেপে বিবৃত করিতে হইল। অতএব এই পরিচ্ছেদে ইতিবৃত্ত - সম্পর্কীয়। পাঠকবর্গ একান্ত অস্বীকৃত হইলে ইহা ত্যাগ করিতে পারেন, কিন্তু গুণকীরের পরামর্শ এই যে, অধৈর্য্য ভাল নহে।" ৬ বঙ্কিমচন্দ্রের বক্তব্য থেকে এ কথা স্পষ্ট যে, এখানে তিনি অত্যন্ত সচেতন ভাবে ইতিবৃত্ত -

সম্পর্কীয় পরিচ্ছেদটি সংযুক্ত করেছেন এবং ইতিহাস বিবৃত করতে গিয়ে স্মৃতিস্মিতভাবেই তিনি তাঁর সময় পর্যন্ত আধুনিক পন্থাটিতে প্রথম রচিত বাংলাদেশের ইতিহাস গ্রন্থের (Charles Stewart's History of Bengal) অনুসরণ করেছেন।

বঙ্কিমচন্দ্র স্টুয়ার্টের ইতিহাস এবং কিংবদন্তীর উপর নির্ভর করে 'দুর্গেশনন্দিনী' রচনা করেন। এই উপন্যাস রচনাকালে 'দুর্গেশনন্দিনী'র সময়কার অনেক ঐতিহাসিক তথ্যই অজ্ঞাত ছিল। পরবর্তীকালে নবাববিস্মৃত তথ্যাদির নিরিখে ঐতিহাসিক যদুনাথ সরকার আমাদের জানিয়েছেন — " বঙ্কিমচন্দ্রের 'দুর্গেশনন্দিনী'তে সত্য ইতিহাস কতটুকু আছে ? যানসিংহ, জগৎসিংহ, কুৎলু খাঁ, খাজা ইসা, উসমান — ইহারা সকলেই ঐতিহাসিক পুরুষ এবং সে যুগে বর্জের ঠিক সেই স্থানে বাস করিতেন। ইহাও সত্য ইতিহাস যে, জগৎসিংহ অগণিত পাঠা নদের নিকট পরাজিত হইয়া এক দুর্গে আশ্রয় লন এবং তাহার কিছুদিন পরেই কুৎলু খাঁর মৃত্যু হওয়ায় তাঁহার দেওয়ান খাজা ইসা কুৎলুর বালক পুত্রদের রাজ্য বাঁচাইবার জন্য যানসিংহের সহিত দেখা করিয়া বহুমূল্য উপঢৌকন দিয়া সন্ধি করেন। ইহা ভিনু 'দুর্গেশনন্দিনী'র আর সব কথা কাল্পনিক। এই সন্ধিতে জগৎসিংহ যথস্থ ছিলেন না। তর, বঙ্কিম কি বাকী সব ঐতিহাসিক দৃশ্যপট নিজ কল্পনা হইতে সৃষ্টি করিয়াছেন ? আয়েশা, তিলোত্তমা, বিমলা সকলেই কাল্পনিক। এ কথা পাঠক সহজেই ধরিয়া ফেলিবেন ; এবং তাহাতে কিছু আসে যায় না। কিন্তু জগৎসিংহের আহত হওয়া, কুৎলুর দুর্গে আবদ্ধ থাকা, এবং তাহার দুরা কুৎলুর মরণকালে সন্ধিভিঙ্গা করা, এই শাখাপল্লবগুলি ইতিহাসের বাহিরে হইলেও বঙ্কিমের নিজকল্পনায় সৃষ্টি নহে। এগুলি আসিয়াছে ঐতিহাসিক নামজাদা একজন ঘোর কাল্পনিক সাহেবের লেখা হইতে, তিনি কাম্ব্যান এলেকজান্ডার ডাও (Alexander Dow)। এই সাহেবটি ফিরিস্তার রচিত হিন্দুস্থানের ইতিহাস ইংরেজীতে প্রায়শঃ অনুবাদ করিয়া দিতেছেন বলিয়া এবং নিজ গ্রন্থের নামপত্রে ফিরিস্তার নাম সংযোগ করিয়া দিয়া অপরিচালিত মেকী কথা চানাইয়াছেন, যাহা ফিরিস্তাও লেখেন নাই; এমন কি, কোনও পারসিক লেখকের পক্ষে সেরূপ লেখাও সম্ভব ছিল না।"^৭

ঐতিহাসিক যদুনাথ সরকারের রচনা ভিনু অন্য সূত্র থেকেও আমরা জানতে পারি যে, কুৎলু খাঁর মৃত্যুর পর তাঁর দেওয়ান খাজা ইসা যানসিংহের সঙ্গে সন্ধি করেন, এই

সন্ধিতে জগৎসিংহ যথস্থ ছিলেন না। ঐতিহাসিক এস.রায় বলেন — ".... the sudden death of Qutlu Khan shortly after disheartened the Afghans. His minister Khwaja Isa raised his young son Nasir Khan to the throne and he made peace with the Mughuls...." ৮

ঐতিহাসিক যদুনাথ সরকার রচিত 'দুর্গেশনন্দিনী' উপন্যাসের 'ঐতিহাসিক ভূমিকা' পাঠ করে আমরা জানতে পারি যে, পাঠানদের কাছে পরাজিত হয়ে জগৎসিংহ কোনো এক দুর্গে আশ্রয় নেন। কিন্তু জগৎসিংহ কি অবস্থায় কোন্ দুর্গে আশ্রয় গ্রহণ করেন তার বিবরণ যদুনাথ অন্যত্র দিয়েছেন। তিনি লিখেছেন — "মানসিংহের পুত্র কুমার জগৎসিংহ মদিরামণ্ড অবস্থায় কতলু খাঁর সেনাপতি বাহাদুর কারু: কর্তৃক পরাজিত ও আহত হইয়া বিষ্ণুপুরের রাজা বীরহামিরের যত্নে সেই রাজধানীতে পানাইয়া গিয়া বাঁচেন, ইহা সত্য ঘটনা — এবং ইহা আবুল ফজল বর্ণনা করিয়াছেন।" ৯

পশ্চিমের স্টুয়ার্টের ইতিহাস পাঠে আমরা জানতে পারি যে, ধরপুরে আফগানরা জগৎসিংহের কাছে পরাজিত হয়ে সন্ধির জন্য আলোচনার ভান চালিয়ে যায়, যা জগৎসিংহ ধরতে পারেন নি, এবং সেই সুযোগে, গোপনে কতলু খাঁকে সংবাদ দিয়ে অচিরেই সৈন্য আনিয়ে " the Afghans made an attack upon him (Jagat Singh) by night, surprise his camp, took him prisoner," ১০ লক্ষণীয় বিষয় এই যে, পাঠানদের হাতে জগৎ সিংহের বশিদ্ভূতের যে বিবরণ স্টুয়ার্ট দিয়েছেন 'আকবরনামা' অনুসারে তা সঠিক নয়। আধুনিক কালের ঐতিহাসিকেরা এ বিষয়ে 'আকবরনামা'র বিবরণই মান্য করেন। কিন্তু বড়িকমচন্দ্র পাঠানদের হাতে জগৎ সিংহের বশিদ্ভূতের সূত্রটিকেই অত্যন্ত সূক্ষ্মে 'দুর্গেশনন্দিনী' উপন্যাসে কাজে লাগিয়েছেন। এই সূত্র ধরেই জগৎসিংহও তিলোত্তমার পুণ্য কাহিনীর সঙ্গে আয়েশা ও ওসমান যুক্ত হওয়ায় 'দুর্গেশনন্দিনী' উপন্যাসটি বর্তমান রূপ পরিগ্রহ করেছে। তাই ঐতিহাসিক হলেও এই সূত্রকে অবহেলা করা যায় না। আবার এই ঐতিহাসিক বিচ্ছুরিতের জন্য বড়িকমচন্দ্রকেও দায়ী করা যায় না। কারণ, প্রথমত: দুর্গেশনন্দিনীর রচনার সময় পর্যন্ত 'আকবরনামা'র কোনো ইংরেজী অনুবাদ প্রকাশিত হয়নি এবং ফারসি না জানায় বড়িকমচন্দ্র যুল গ্রন্থটিও পড়তে পারেন নি। দ্বিতীয়ত: তিনি তাঁর সময় কালে আধুনিক পদ্ধতিতে রচিত স্টুয়ার্টের

বাংলাদেশের ইতিহাস যথাযথ ভাবে অনুসরণ করেছেন। সুতরাং তিনি ইচ্ছাকৃত ভাবে ইতিহাসের বিকৃতি ঘটিয়েছেন, একথা বলা যায় না।

এই উপন্যাসে তিলোত্তমা, বিঘ্না, আয়েষা, অভিরাম স্মায়ী প্রভৃতি চরিত্র ঐতিহাসিক। দাউদ খাঁ, মনাইম খাঁ, খাঁ, আজিম, শাহবাজ খাঁ, সৈদ খাঁ প্রভৃতি ঐতিহাসিক চরিত্র। কিন্তু উপন্যাসের প্রথম খণ্ডের তৃতীয় পরিচ্ছেদে এই সব ঐতিহাসিক চরিত্রের নামোল্লেখ ভিন্ন উপন্যাসের কাহিনী যথেষ্ট তাঁদের কোনো ভূমিকা নেই। এই প্রসঙ্গে বলা দরকার যে, বঙ্কিমচন্দ্র কথিত সৈদ খাঁ নামটি প্রকৃত পক্ষে সাইদ খাঁ হবে ; যার অর্থ ভ্রাতৃত্ববান। সাইদ খাঁ, সৈয়দ বংশোদ্ভূত নন এবং তিনি 'দুর্গেশনন্দিনী'র কাহিনী কালে বাংলাদেশের প্রকৃত সুবাদার ছিলেন। মানসিংহ তখন ছিলেন বিহারের সুবাদার। সুতরাং মানসিংহ, সাইদ খাঁকে বাংলায় নিজ প্রতিনিধি নিযুক্ত করেন বলে বঙ্কিমচন্দ্র যে বর্ণনা করেছেন তা সঠিক নয়। বঙ্কিমচন্দ্রের এই ভুলের কারণ, স্টুয়ার্টকে অনুসরণ। স্টুয়ার্ট সাইদ খাঁকে বাংলার Deputy Governor হিসাবে ভুল করায় বঙ্কিমচন্দ্রেরও ভুল হয়েছে।

'দুর্গেশনন্দিনী' যোগল-পাঠানের সংঘর্ষের পটভূমিকায় রচিত। যোগল পক্ষের প্রধান দিন্নীর সস্ত্রীক আকবরের বিখ্যাত সেনাপতি মানসিংহ। সস্ত্রীক আকবর তাঁর পিসিকে এবং যুবরাজ সৈয়ম (পরে সস্ত্রীক জাহাঙ্গীর) তাঁর ভগ্নীকে বিবাহ করেন। হিন্দীঘাটের যুদ্ধে তাঁর কাছে সৈবাদের রাণা পুতাপসিংহ পরাজিত হন। তাঁর রণকৌশল ও বাহুবলে বর্ষদেশ থেকে কাবুল পর্যন্ত যোগল সাম্রাজ্যের অন্তর্ভুক্ত হয়। উপন্যাসের প্রথমখণ্ডের তৃতীয় পরিচ্ছেদে দারুবেশুর নদীতীরে শিবির সংস্থাপন করে সাইদ খাঁর জন্য প্রতীক্ষা এবং চতুর্থ পরিচ্ছেদে 'নবীন সেনাপতি' নির্বাচন করে পাঠানদের গ্রাফ-নুশন ও প্রজাপীড়ন প্রতিরোধ ব্যৱস্থার যত্ন দিয়ে আমরা তাঁর বিচক্ষণতার পরিচয় পাই, — যা বঙ্কিমচন্দ্র যথাযথ দক্ষতার উপস্থাপিত করেছেন।

এই উপন্যাসে পাঠানপক্ষের প্রধান উড়িষ্যার পাঠান নবাব কতলু খাঁ। ইতিহাস পাঠে আমরা জানি — "Qutlu Khan Lohani, a lieutenant of Daud, defeated several Mughal officers and set up an independent principality in

Orissa." ^{১১} কতলু খাঁ সম্পর্কে বঙ্কিমচন্দ্র বলেছেন যে — "কতলু খাঁর এই নিয়ম ছিল যে, কোন দুর্গ বা গ্রাম জয় হইলে, তৎক্ষেত্রে কোন উৎকৃষ্ট সুন্দরী যদি বন্দী হইত, তবে সে তাঁহার আত্মসেবার জন্য প্রেরিত হইত।" ^{১২} বঙ্কিমচন্দ্রের বিবরণ অনুসারে কতলু খাঁ বিলাসী ও ইন্দ্রিয়-পরায়ণ। কিন্তু "আকবরনামায় তাঁহাকে crafty এবং scoundrel বলা হইলেও (এই নিন্দাবাদের কারণ এই যে, তিনি দুর্গাদি নির্মাণ করিয়া নিজেকে সুদৃঢ় ভাবে প্রতিষ্ঠিত করার উদ্দেশ্যে প্রকাশ করিয়াছিলেন।) তাঁহার উৎকৃষ্ট ইন্দ্রিয়প্রসক্তি-র উল্লেখ নাই।" ^{১৩} তবে সে কালের মুসলমান শাসকদের প্রায় সকলেরই বহু উপপত্নী থাকত এবং তাঁরা অত্যন্ত বিলাসী ছিলেন ; তাই বঙ্কিমচন্দ্রের কল্পনা অবাস্তব বলা যায় না। স্মরণ রাখতে হবে যে, পাঠানেরা মাদারগের জমিদারের স্ত্রী ও কন্যাকে বন্দী করে নিয়ে যায়, — এ কিংবদন্তী বঙ্কিমচন্দ্রের জানা ছিল।

তবে এই উপন্যাসে বিমনা কর্তৃক কতলু খাঁর হত্যার ঘটনাটি ঐতিহাসিক। স্ট্রুয়ার্টের ইতিহাসে, এমন কি কিংবদন্তীতেও, এই প্রসঙ্গ নেই। যদুনাথ সরকার 'আকবরনামা' থেকে অনুবাদ করে আমাদের জানিয়েছেন যে, — "এই সময় শাহান-শাহের ডাঙা ফলিল। দশদিন পরে কতলু মারা গেলন, তাঁহার রোগ হইয়াছিল এবং পৌষই জীবন শেষ হইল।" ^{১৪} কিন্তু বঙ্কিমচন্দ্রের অসাধারণ রচনাকৌশল গুণে কতলু খাঁর হত্যার এই ঘটনার মঞ্চ দিয়েই উপন্যাসের কাহিনীর সৌন্দর্য ও নাট্যরস স্নানভূত হয়েছে।

'দুর্গেশনন্দিনী' উপন্যাস বাংলাদেশের পটভূমিকায় রচিত হলেও এই উপন্যাসের নায়ক বাঙালি বা বঙ্গবাসী নন। অমুরাধিপতি ম্যানসিংহের পুত্র ও প্রিয় সেনাপতি রাজপুতকুলচিনক জগৎসিংহ উপন্যাসের বীর্যবান আদর্শ নায়ক। খুব সম্ভব, রাজপুত জাতির পৌর্য-বীর্য ও আত্মত্যাগের বিবিধ কাহিনীর দ্বারা অনুপ্রাণিত হয়েই বঙ্কিমচন্দ্র রাজপুত বীরকে নায়করূপে প্রতিষ্ঠা দিয়েছেন।

'দুর্গেশনন্দিনী'র প্রথমখণ্ডের 'কুলচিনক' নামক নবম পরিচ্ছেদে আমরা দেখি যে, কুমার জগৎসিংহের বীরত্ব ও রণচাতুর্যে পাঠান সেনা মধ্যে মহাজৌতি প্রচার

হয়েছে। পাঠান সেনারা লুটপাট বন্ধ করে দুর্গমধ্যে আশ্রয় নিতে বাধ্য হয়েছে এবং পত্রপীড়িত প্রদেশে শান্তি বিরাজ করছে। স্টুয়ার্টের ইতিহাস পাঠে আমরা জানতে পারি যে, পাঠান সেনা ধরপুরে লুটপাট ও অত্যাচার শুরু করলে — "... to put a stop to the ravages of the Afghans, the Raja detached his son, Jaggat Singh, who compelled them to retire, and to take refuge under the guns of a fort," ১৫

'দুর্গেশনন্দিনী'তে বড়িকমচন্দ্র জগৎসিংহের যে শৌর্য-বীর্যের প্রকাশ ঘটিয়েছেন তা' স্টুয়ার্টের ইতিহাসের সূত্র অবলম্বনে রচিত। কিন্তু জগৎসিংহের বলবীর্যের বিষয়ে আধুনিক ঐতিহাসিকদের গবেষণা কিছু সূচ-ত্র। তাঁরা তাঁকে 'অনভিজ্ঞ' আখ্যা দিয়েছেন। ঐতিহাসিক এস.রায় বলেছেন — "The Afghans surprised and badly defeated the Mughal Advance guard under Man Singh's son, the inexperienced Jagat Singh". ১৬ আধুনিক ঐতিহাসিকের এই বক্তব্য আবুল ফজলের 'আকবরনামা' দ্বারা সমর্থিত। আবুল ফজল লিখেছেন — "The Rajah (Man Singh) sent an army under Jagat Singh, and the worthless Bahadur Kuruh took refuge in a fort, and had recourse to cajolery. But devilish tricks he lulled the inexperienced youth into carelessness, and then asked for help from Qutlu. On 10th Khurdad (21st May, 1590) while Jagat was slumbering from the effect of wine, the wicked Qutlu suddenly fell upon him with a large force and prevailed over him.... Though the imperial army was defeated, yet Hambir brought away that infatuated young man and took him to his quarters at Bishnupur. A report are so that he was killed." ১৭ এই প্রসঙ্গে বলা দরকার যে, জগৎসিংহ অত্যন্ত মদ্যপ ছিলেন এবং অতিরিক্ত মগ্নমানের জন্য অল্পবয়সে, ৬ই অক্টোবর, ১৫১১ খ্রিস্টাব্দে, আগ্রার কাছে অকালে মারা যান।

আকবরনামায় পাঠানদের সঙ্গে যুদ্ধে জগৎসিংহের মৃত্যু বিষয়ে যে মিথ্যা রটনার কথা আছে তা' স্টুয়ার্টের ইতিহাসেও পাওয়া যায়। স্টুয়ার্ট লিখেছেন —

".... The Raja was overwhelmed with confusion at the disgrace, and with sorrow on account of his son, who was carried prisoner to Bissnupore, and, according to report which prevailed for some days, had been put to death".^{১৮}

এছাড়া যোগল পাঠানের সন্ধির বিষয়ে জগৎসিংহের ভূমিকা সম্পর্কে স্টুয়ার্ট লিখেছেন যে, কতলু খাঁর মৃত্যুর পর "The Afghan chiefs released the son of Raja, and, through him send for peace."^{১৯}

বড়িকমচন্দ্র অসাধারণ প্রতিভা বলে এই সূত্র দুটিকে নিপুণ দক্ষতায় জগৎসিংহের মৃত্যু - প্রক্রিয়ার ক্ষেত্রে যুক্ত করে আশ্চর্য সৃষ্টি চাতুর্যের পরিচয় দিয়েছেন। উপন্যাস পাঠকালে আমরা দেখি যে, ওসমান জগৎসিংহকে মানসিংহ ও কতলু খাঁর মধ্যে সন্ধির যথস্বতা করার অনুরোধ করে বলেছেন — "মহারাজের নিকট দূত প্রেরণ করা হইয়াছিল ; দুর্ভাগ্যবশতঃ তাঁহার নিকট কে রচনা করিয়াছে যে, পাঠানেরা মহাশয়ের প্রাণহানি করিয়াছে। মহারাজ সেই শোকে ও ক্রোধে সন্ধির নামও শ্রবণ করিলেন না ; দূতের কথায় বিশ্বাস করিলেন না ; যদি মহাশয় স্ময়ঃ সন্ধির প্রস্তাব কর্তা হইয়েন, তবে তিনি সম্মত হইতে পারিবেন।"^{২০}

'দূর্গেশনন্দিনী' উপন্যাসে পাঠান-যুবক ওসমান এক অসাধারণ মহান চরিত্র। পাঠানকুলতিলক ওসমানের ঐতিহাসিক পরিচয়, তিনি কতলু খাঁর ডাডু সূত্র ও প্রিয় সেনাপতি এবং কতলু খাঁর একান্ত অনুগত ডাডা ও দেওয়ান খ্বাজা ইসার পুত্র। 'দূর্গেশনন্দিনী' উপন্যাসের তিনি প্রতিনায়ক এবং রাজপুতকুলতিলক জগৎসিংহের যোগ্য প্রতিদ্বন্দী। একজন অসম সাহসী বীরযোদ্ধা হিসাবেও তিনি ইতিহাসে পরিচিত। তিনি অত্যন্ত স্বাধীনতাপ্রিয় ছিলেন এবং বাংলাদেশে পাঠানেরা যখন যোগলের হাতে পরাজিত হয় (১৬১২ খ্রিঃ) তখন ওসমান যোগলের বিরুদ্ধে অভূতপূর্ব বীরত্বের সঙ্গে যুদ্ধ করে প্রাণত্যাগ করেন, কিন্তু আত্মসমর্পণ করেন নি। বড়িকমচন্দ্রের অভ্যুত্থান, ১২১২ খ্রিস্টাব্দে

ঐতিহাসিক যদুনাথ সরকারের আবিষ্কৃত একখানি ফারসি হস্তলিপি 'বাহারিস্তান-ই-ঘাইরী'র যদুনাথ সরকার কৃষ্ণ বর্গানুবাদে পাঠানবীর ওসমানের বীরত্বপূর্ণ যুদ্ধ কাহিনী বর্ণনা করা হয়েছে। ২১

'দুর্গেশনন্দিনী' উপন্যাসে বড়িকমচন্দ্র ওসমানকে অতিথি পরায়ণ, স্বাধীনতা প্রিয় সাহসী বীর এবং মহান পাঠান যুবক হিসাবে অঙ্কন করেছেন। ওসমান যে মহৎচিহ্নের যুবক, 'দুর্গেশনন্দিনী'র দ্বিতীয়খণ্ডের 'কুসুমের মধ্যে গাষণ' নামক দ্বিতীয় পরিচ্ছেদে বড়িকমচন্দ্র তার প্রকাশ ঘটিয়েছেন। সেখানে আমরা দেখি যে, ওসমান তাঁর পরমবৈরী, রণক্ষেত্রে তাঁর দর্পহারী, জগৎ সিংহের আরোগ্যলাভের জন্য আয়েষার সঙ্গে জগৎসিংহের সেবা করেছেন। আয়েষা তাঁর এই গুণের প্রশংসা করলে তিনি অপূতিত হয়েছেন এবং এই সেবার দ্বারা জগৎসিংহের আরোগ্য লাভের মধ্যে আপন স্বার্থসিদ্ধি আছে বলে বিশ্বাস করেছেন। ওসমান সেই শ্রেণীর মানুষ যারা পাছে লোকে দয়ালু চিত্ত বলে, এই লজ্জার আশঙ্কায় কাঠিন্য প্রকাশ করেন, এবং দয়াশীলতা নারী সুভাব-সিদ্ধ বলে উপহাস করতে করতে পরোপকার করেন। ওসমানের এই চরিত্র বৈশিষ্ট্য আফগান বা পাঠান জাতির অনুসারী ; যা বড়িকমচন্দ্র যথার্থ ভাবে অঙ্কন করেছেন। ২২

আফগান বা পাঠান জাতির স্বাধীনতা প্রীতির কথা সর্বজন বিদিত। 'দুর্গেশনন্দিনী'র দ্বিতীয় খণ্ডের 'গৃহান্তর' নামক একাদশ পরিচ্ছেদে ওসমান জগৎসিংহকে বারবার পাঠানদের এই স্বাধীনতা প্রীতির কথা বলেছেন। ওসমান বলেছেন — "পাঠানেরা বাঙ্গালী নহে; কখনও অধীনতা স্বীকার করে না; একজন মাত্র জীবিত থাকিতে কখনও করিবেও না; ইহা নিশ্চিত কহিলাম।" ২৩ প্রসঙ্গতঃ বলা দরকার যে, 'পাঠানেরা বাঙ্গালী নহে' জগৎসিংহের প্রতি ওসমানের এই ব্যঙ্গোক্তি প্রকৃতপক্ষে বড়িকমচন্দ্রের। বড়িকমচন্দ্র এই তীক্ষ্ণ ব্যঙ্গের মধ্য দিয়ে বাঙালির সুপ্ত সুদেশপ্রীতি ও স্বাধীনতার বাসনাকে জাগতে চেয়েছেন। ডঃ বিজিত কুমার দত্ত বলেছেন যে, বড়িকমচন্দ্র দুর্গেশনন্দিনীতে কেবল পাঠান ও রাজপুত জাতির শৌর্যবীর্যের চিত্রই আঁকেন নি, প্রসঙ্গক্রমে বাঙালির বাহুবল প্রতিষ্ঠার কথাও বলেছেন। সেই সঙ্গে ওসমান যে জগৎসিংহকে অকারণ রাজপুত - পাঠান রক্তপাত বন্ধের প্রস্তাব দিয়েছেন, তার মধ্যে বড়িকমচন্দ্রের ঐতিহাসিক বিচক্ষণতা লক্ষ্য করা যায়। ২৪

'দুর্গেশনন্দিনী' উপন্যাসের কেন্দ্রভূমিতে আছে হুগলী জেলার অন্তর্গত আরাম-
বাগ মহকুমার মান্দারণ গ্রাম ও তার দুর্গ। এ প্রসঙ্গে Bengal District Gaze-
tters -এ বলা হয়েছে যে, --- "An old place lying in thana Goghat
of the Arambagh Sub-division, 7 or 8 miles W.S.W. of Arambagh
town. The Burdwan Midnapore road passed west and the old nagpur
road a little north of this place. It contains the ruin of two
forts, the northern are called Garh Mandaran and the Southern
are Bhitagarh." ২৫

গড় মান্দারণের বিবরণ দিতে গিয়ে বঙ্কিমচন্দ্র লিখেছেন যে, --- "যে পথে
বিষ্ণুপুর প্রদেশ হইতে জগৎসিংহ জাহানাবাদ প্রত্যগমন করিয়াছিলেন, সেই পথের চিহ্ন
অদ্যপি বর্তমান আছে। তাহার কিঞ্চিৎ দক্ষিণে মান্দারণ গ্রাম। মান্দারণ এক্ষণে ক্ষুদ্র গ্রাম,
কিন্তু তৎকালে ইহা সৌষ্ঠবশালী নগর ছিল। গড় মান্দারণে কয়েকটি প্রাচীন দুর্গ
ছিল, এই জন্য তাহার নাম গড় মান্দারণ হইয়া থাকিবে। নগর মধ্যে আমোদর নদী
প্রবাহিত ; একস্থানে নদীর গতি এতাদৃশ বক্রতা প্রাপ্ত হইয়াছিল যে, তদ্বারা পার্শ্বস্থ এক-
খন্ড ত্রিকোণ ভূমির দুই দিক্ বেষ্টিত হইয়াছিল ; তৃতীয় দিকে মানবহস্তনির্মািত এক গড়
ছিল ; এই ত্রিকোণ ভূমিখণ্ডের অগ্রদেশে যথায় নদীর বক্রগতি আরম্ভ হইয়াছে, তথায়
এক বৃহৎ দুর্গ জল হইতে আকাশ পথে উত্থান করিয়া বিরাজমান ছিল। অট্টালিকা আমূল
শিরঃ পর্য্যন্ত কৃষ্ণপুস্তর নির্মিত ; দুই দিকে প্রবল নদী প্রবাহ দুর্গমূল প্রহত করিত।
অদ্যপি পর্য্যটক গড় মান্দারণ গ্রামে এই আয়্যাসলভ্য দুর্গের বিশাল স্তূপ দেখিতে পাইবেন,
দুর্গের নিম্নভাগমাত্র এক্ষণে বর্তমান আছে ; অট্টালিকা কালের কন্নাল স্পর্শে ধূলিরাশি হইয়া
গিয়াছে ; তদুপরি তিস্তড়ী, মাধবী প্রভৃতি বৃক্ষ ও লতা সকল কাননাকারে বহুতর ভূজস
ডাল্লুকাদি হিম্প্র পশুগণকে আশ্রয় দিতেছে। নদীপারে অপর কয়েকটা দুর্গ ছিল।" ২৬

এই বিবরণ পাঠে আমাদের মনে হয় যে, অত্যন্ত ফীন হলেও, 'দুর্গেশনন্দিনী'
উপন্যাস রচনার সময়েই বঙ্কিমচন্দ্রের অন্তরে বাংলার অতীত ইতিহাস ও তার পুরা-
কীর্তির প্রতি একটি সহজাত আকর্ষণ বর্তমান ছিল। তিনি ইতিহাসবেত্তার নিষ্ঠা নিয়ে গড়

মান্দারনের অতীত বিবরণ সংগ্রহ করেছিলেন। 'কালের করাল স্পর্শে ধূলিরাশি' হয়ে যাওয়া স্মৃতির প্রতি মমত্ববোধ এবং তৎসংক্রান্ত প্রাচীন হৃত গৌরব ও সমৃদ্ধির জন্য স্বীকৃতি ('মান্দারন এখানে ক্ষুদ্র গ্রাম, কিন্তু তৎকালে ইহা সৌষ্ঠবশালী নগর ছিল') বড়িকম-চন্দ্রের বর্ণিত ইতিহাস চেতনাকে একটি বিশিষ্ট সু-তরীতে বেঁধে দিয়েছে।

॥ কপালকুণ্ডলা ॥

'কপালকুণ্ডলা' (১৮৬৬) ঐতিহাসিক উপন্যাস নয়। ইতিহাসের ঘটনাপ্রবাহ এতে সুস্পষ্ট ; সে ঘটনা-প্রবাহের সঙ্গে বাংলার ইতিহাসের যোগ আরও কম। উপন্যাসের উপাখ্যানের উপর সে ইতিকথার প্রভাবও সামান্য। কিন্তু তবু 'কপালকুণ্ডলা' উপন্যাসে ইতিহাসের এক বর্ণাঢ্য ও উজ্জ্বল চিত্রকে চমকপ্রদ ভাবে ব্যবহার করা হয়েছে।

প্রথমত: ইতিহাসের পটভূমিতে কপালকুণ্ডলার কাহিনীকে বিস্তৃত করা হয়েছে। কারণ, উপন্যাসে কপালকুণ্ডলা ও নবকুমারের জীবনের যে অংশ গ্রহণ করা হয়েছে তার পরিসর সামান্য। তাই নবকুমারের প্রাক্তন - স্ত্রী মোতিবিবির সূত্র ধরে দিল্লী ও সপ্তগ্রাম একত্র গ্রথিত হয়েছে এবং কপালকুণ্ডলার কাহিনী মোগল সাম্রাজ্যের একটি নির্দিষ্ট কাল-সীমায় ইতিহাসের বৃহৎ ক্ষেত্রে মুক্তি পেয়েছে।

দ্বিতীয়ত: ইতিহাসের সুদূরপ্রসারী পটভূমি কপালকুণ্ডলার ট্রাজেডিকে সমুন্নতির গৌরব ও গভীরতা দান করেছে। যে মোতিবিবি কপালকুণ্ডলার প্রেমের প্রতিদ্বন্দ্বিনী, তিনি দিল্লীশুর আকবরের পুত্র যুবরাজ সেলিমের অঙ্কশাস্ত্রিনী এবং তুমুলের শ্রেষ্ঠসুন্দরী ও ভারী ভারত সম্রাডশী নূরজাহানেরও প্রেমের প্রতিদ্বন্দ্বিনী। সুন্দরী অগ্রগণ্য মোতিবিবির যদি এই আজিজাত্য ও ঐশ্বর্যের বাতাবরণ না থাকত তবে তাঁর স্বর্গ ও চক্রান্ত স্বাধারণ গৃহস্থ কুলত্যাগিনীর কলহ-কালিমায় কপালকুণ্ডলার কাহিনীকে কলুষিত করত। ২৭

কপালকুণ্ডলা উপন্যাসের ঐতিহাসিক কাল মোগল সম্রাট আকবরের রাজত্বকালের শেষ সময় থেকে জাহাঙ্গীরের সিংহাসন আরোহনের সময় পর্যন্ত। উপন্যাসের তৃতীয় খণ্ডের, দ্বিতীয় পরিচ্ছেদ ; পথান্তরে আমরা দেখি যে জনৈক আগ্রানিবাসী, খাঁ আজিমের আশ্রিত ব্যক্তি মোতিবিবিকে অভিবাদন পূর্বক একটি পত্র দিয়েছে। পত্রে মোতিবিবিকে জানান হয়েছে যে, বাদশাহ আকবরের পরলোকে গতি হয়েছে এবং আকবরের আডালবে কুমার সেলিম জাহাঙ্গীর শাহ হয়ে মসনদে বসেছেন। ইতিহাস পাঠে আমরা জানি যে, আকবর বাদশাহের মৃত্যু হয় ১৬০৫ খ্রিস্টাব্দের ১৭ই অক্টোবর এবং তার এক সপ্তাহ পরে যুবরাজ সেলিম জাহাঙ্গীর নাম ধারণ করে সিংহাসনে আরোহন করেন।

১৮৬৬ খ্রিস্টাব্দে প্রথম প্রকাশিত কপালকুণ্ডলা উপন্যাসের কাহিনী সূচনা বঙ্কিম-চন্দ্র করেছিলেন এই ভাবে — "প্রায় দুইশত পঞ্চাশ বৎসর পূর্বে একদিন মাঘ মাসের রাত্রি শেষে একখানি যাত্রীর নৌকা গঙ্গাসাগর হইতে প্রত্যগমন করিতেছিল।" ২৮ গঙ্গা-সাগরের পূর্ণ্যন্মান অনুষ্ঠিত হয় পৌষমাসের সংক্রান্তি তিথিতে। আকবরের মৃত্যু, সেলিমের সিংহাসনারোহণ, গঙ্গাসাগর থেকে মাঘমাসের রাত্রি শেষে নবকুমারের যাত্রী, কাপালিকাবাসে অবস্থান, কপালকুণ্ডলার সঙ্গে বিবাহ ও গৃহে প্রত্যবর্তন — এসব ঘটনা বিশ্লেষণ করলে অনুমান করা যায় যে, নবকুমারের সঙ্গে মোতিবিবির সাক্ষাতের সময় ১৬০৬ খ্রিস্টাব্দের জানুয়ারী মাসের তৃতীয় সপ্তাহের শেষে।

বঙ্কিমচন্দ্র মোগল সাম্রাজ্যের নির্দিষ্ট কালসীমায় বাংলাদেশের ঐতিহাসিক পটভূমিকে মোটামুটি বিশ্বাসযোগ্য ও তথ্যনিষ্ঠভাবে তুলে ধরেছেন। উপন্যাসের সূচনাতেই বঙ্কিমচন্দ্র বলেছেন — "পর্দুগিস্ ও অন্যান্য নাবিকদস্যুদিগের ডয়ে যাত্রীর নৌকা দলবদ্ধ হইয়া যাতায়াত করাই তৎকালের প্রথা ছিল ;" ২৯ পর্দুগীজ জলদস্যুদের অত্যাচার ঐতিহাসিক সত্য। কবিকঙ্কন চণ্ডীতে আছে —

"ফিরিঙ্গির দেশখান বাহে কর্ণধারে।

রাত্রিতে বাহিয়া যায় হারমাদের ডরে।" ৩০

ঐতিহাসিক রমেশচন্দ্র মজুমদার লিখেছেন — " পর্তুগীজ বণিকেরা যে বাঙালীর তথা ভারতীয়ের ব্যবসায় বাণিজ্যে বহু অনিশ্চয় করিত তাহার প্রমাণ আছে। বস্তুতঃ পর্তুগীজ বণিকেরা ভারত মহাসাগরে ও বর্সোপসাগরে এদেশীয় বাণিজ্যজাহাজের উপর জলদস্যুর ন্যায় আচরণ করিত এবং তাহার ফলেই বাংলার জলপথের বাণিজ্য ক্রমশঃ হ্রাস পাইতে থাকে। আরাকান হইতে মগদের অত্যাচারে দক্ষিণবর্সের সমদ্রতীরবর্তী বিস্তৃত অঞ্চল ধ্বংস হইয়াছিল। পর্তুগীজরাও তাহাদের অনুকরণে নদীপথে ঢুকিয়া দক্ষিণবর্সে বহু অত্যাচার করিত। ৩১

কপালকুন্ডলা, নবকুমার, কাপালিক, মোতিবিবি - এঁরা কেউই ঐতিহাসিক চরিত্র নন। তবে মোতিবিবির চরিত্রে ইতিহাসের ছায়াপাত আছে। মোগল-হারেমে এমন চরিত্র ইতিহাসের সমর্থন-পুষ্ট। কিন্তু মোগল হারেমের কথা আমাদের আলোচ্য নয়। মোগল-হারেমে সেলিম ও মোতিবিবির সংলাপ ও সম্পর্ক এবং মোগল রাজনীতির চক্রান্তও আমাদের পক্ষে পরিত্যজ্য। তবে শের আফগান ও মেহের-উন্নিসার সম্পর্কে কিছু বলার আছে। কারণ, শের আফগান বাংলাদেশের বর্ধমানের জায়গীরদার ছিলেন এবং মেহের-উন্নিসা তাঁর পত্নী।

শের আফগান - "A persian adventurer called 'Ali Quli', after rendering good military service, had been attached to Salim's staff, and was rewarded by the title of 'Sher Afgan' (tiger slayer) for his gallant conduct during a hunting expedition." ৩২

মেহের - উন্নিসার সঙ্গে শের আফগানের বিবাহ হয় এবং আকবর তাঁকে বর্ধমানে জায়গীর প্রদান করেন। ১৬০৭ খ্রিস্টাব্দে কুৎবুদ্দীন কোকা বাংলার সুবাদার হয়ে আসেন। বাংলায় তখন নানা ষড়যন্ত্র ও বিদ্রোহের সূচনা হয়। এই বিদ্রোহের সঙ্গে শের আফগানের যোগ আছে সন্দেহে, কুৎবুদ্দীন খাঁ তাঁকে বর্ধমানে হস্তাকার করেন। সেখানে উভয়ের উত্তেজিত বিতর্কের সময় শের আফগান তরবারি দিয়ে কুৎবুদ্দীনের শিরচ্ছেদন করেন। কুৎবুদ্দীনের পারিষদবর্গ শের আফগানকে সঙ্গে সঙ্গে কেটে খণ্ড খণ্ড করে ফেলে।

মেহের-উন্নিসা বা নূরজাহান এই উপন্যাসে প্রায় নেপথ্য চরিত্র। উপন্যাসের ঐতিহাসিক পটভূমির সূত্ররক্ষা করার জন্য যেটুকু প্রয়োজন, তাঁর সম্পর্কে ততটুকুই বলা

হয়েছে। বঙ্কিমচন্দ্র মেহের-উন্নিসা সম্পর্কে যা লিখেছেন তা ' ইতিহাসের সত্যকে লঙ্ঘন করেনি। বঙ্কিমচন্দ্র লিখেছেন — " মেহের উন্নিসা তৎকালে ভারতবর্ষ মধ্যে প্রধানা রূপ-বতী এবং গুণবতী বলিয়া খ্যাতিলাভ করিয়াছিলেন। বস্তুতঃ তাদৃশ রমণী ভূমণ্ডলে অতি অসম্ভব জন্মগ্রহণ করিয়াছে। সৌন্দর্য্যে ইতিহাসকীর্তিতা স্ত্রীলোকদিগের মধ্যে তাঁহার প্রাধান্য ঐতিহাসিক মাত্রেই স্বীকার করিয়া থাকেন। কোন প্রকার বিদগ্ধ তৎকালিক পুরুষদিগের মধ্যে বড় অনেকে তাঁহার অপেক্ষা শ্রেষ্ঠ ছিলেন না। নৃত্য-গীতে মেহের-উন্নিসা অদ্বিতীয়া ; কবিতা রচনায় বা চিত্রলেখনেও তিনি সকলের মন মুগ্ধ করিতেন।" ^{৩০} ইতিহাসে নূর-জাহানের পরিচয় এই ভাবে পাই — "Nurjahan was indeed possessed of exquisite Beauty, a fine taste for persian literature, poetry and arts, a piercing intellect, versatile temper and sound common sense." ^{৩৪}

কপালকুণ্ডলার বঙ্কিমচন্দ্র সেলিম-মেহের-উন্নিসার প্রচলিত প্রণয় প্রসঙ্গ উদ্‌ঘাপন করেছেন। কিন্তু আধুনিক ঐতিহাসিকেরা এ বিষয় ভিন্ন মত পোষণ করেন। যেমন এ বিষয়ে ঐতিহাসিক বেণীপ্রসাদ — "finds absolutely no support in the contemporary authorities." ^{৩৫}

এই উপন্যাসের কেন্দ্রভূমি সপ্তগ্রাম। সপ্তগ্রাম সম্পর্কে বঙ্কিমচন্দ্র লিখেছেন — " সকলেই অবগত আছেন যে, পূর্বকালে সপ্তগ্রাম মহাসমৃদ্ধিশালী নগর ছিল। এককালে যবদ্বীপ হইতে রোমক পর্য্যন্ত সর্বদেশের বাণিকেরা বাণিজ্যার্থ এই মহানগরে মিলিত হইত। কিন্তু বঙ্গীয় দশম-একাদশ শতাব্দীতে সপ্তগ্রামের প্রাচীন সমৃদ্ধির লাঘব জন্মিয়াছিল। ইহার প্রধান কারণ এই যে, তনুগরের প্রান্তভাগ প্রক্ষালিত করিয়া যে স্রোতসুতী বাহিত হইত, এক্ষণে তাহা সঙ্কীর্ণশরীরী হইয়া আসিতেছিল ; সুতরাং বৃহদাকার জলযান সকল আর নগর পর্য্যন্ত আসিতে পারিত না। এ কারণে বাণিজ্যবাহুল্য ক্রমে লুপ্ত হইয়া লাগিল। বাণিজ্যগৌরব নগরের বাণিজ্যনাশ হইলে সকলই যায়। সপ্তগ্রামের সকলই ছোলা। বঙ্গীয় একাদশ শতাব্দীতে হুগলি নূতন সৌষ্ঠবে তাহার প্রতিযোগী হইয়া উঠিতেছিল। তথায় পর্তুগীজেরা বাণিজ্য আরম্ভ করিয়া সপ্তগ্রামের ধনলক্ষ্মীকে আকর্ষিতা করিতেছিলেন। কিন্তু

তখনও সপ্তগ্রাম একেবারে হতশ্রী হয় নাই। তথায় এ পর্য্যন্ত ফৌজদার প্রভৃতি প্রধান রাজপুরুষদিগের বাস ছিল ; কিন্তু তখনও অনেকাংশে শ্রীভ্রষ্ট এবং বসতিহীন হইয়া পল্লীগ্রামের আকার ধারণ করিয়াছিল।" ৩৬

সপ্তগ্রামের অতীত গৌরবকথা বলতে গিয়ে ('এককালে যবদ্বীপ হইতে রোমক পর্য্যন্ত সর্বদেশের বণিকেরা বাণিজ্যার্থ এই মহানগরে মিলিত হইত।') বড়িকমচন্দ্র স্টুয়ার্টের History of Bengal -এর সহায়তা নিয়েছেন। পাদটীকায় স্টুয়ার্ট লিখেছেন — "Saatgong was known to the Romans, by the names of Ganges Regia. It is a famous place of worship, and was formerly the residence of the Kings of the country, and said to have been of an immense size." ৩৭

সপ্তগ্রামে 'ফৌজদার প্রভৃতি প্রধান রাজপুরুষদিগের বাস' এবং তার 'শ্রীভ্রষ্ট এবং বসতিহীন হইয়া পল্লীগ্রামের আকার ধারণ' সম্পর্কে বড়িকমচন্দ্র যা লিখেছেন তা' স্টুয়ার্টের ইতিহাস থেকেই নেওয়া। স্টুয়ার্ট লিখেছেন — "A regular Foujedar was appointed from Court, who in the process of time, was made independent of the governor; and all the public officers were withdrawn from Saatgong, which soon declined into a mean village, now known to Europeans." ৩৮

প্রকৃতপক্ষে সপ্তগ্রাম সম্পর্কে বড়িকমচন্দ্র আর যা বলেছেন, তা রেনেলের গ্রন্থ থেকে History of Bengal-এ স্টুয়ার্ট কর্তৃক উদ্ধৃত আছে। সেখানে বলা হয়েছে — "Saatgong or Sattagong, now an inconsiderable villave, on a small creek of the Hooghly river, about four miles to the north-west of Hooghly, was, in 1556, and probably the european merchants had their factories. At that time Saatgong river was capable of

bearing small Vessels, and I suspect that its then course, after passing Saatgong, was by way of Adaumpore, Omptah and Tamlook." ০৯

‘দুর্দেশনন্দিনী’ উপন্যাসে আমরা হতশ্রী মাস্দারণ গ্রাম সম্পর্কে বড়িকমচন্দ্রের দীর্ঘশ্বাস শুনছিলাম, কপালকুণ্ডলাস উপন্যাসেও আমরা হতশ্রী সপ্তগ্রাম সম্পর্কে তেমনি দীর্ঘশ্বাস শুনতে পাই (পূর্বকালে, সপ্তগ্রাম মহাসমৃদ্ধিশালী নগর ছিল)। লুপ্ত গৌরব সম্পর্কে বেদনাবোধ এবং দীর্ঘশ্বাস বড়িকমচন্দ্রের ইতিহাস চেতনার অন্যতম প্রধান বৈশিষ্ট্য। এই বৈশিষ্ট্যই পরবর্তীকালে তাঁর ইতিহাস চেতনাকে প্রভাবিত করেছে।

সূত্র - নির্দেশ

- ১। Richard Burn (ed.) - The Cambridge History of India, Vol.IV, 1963, p.159.
- ২। যদুনাথ সরকার - ঐতিহাসিক ভূমিকা, দুর্গেশনন্দিনী, ১০৫৮, পৃ: ৬।
- ৩। পূর্ণচন্দ্র চট্টোপাধ্যায় - বঙ্কিমচন্দ্রের বাল্যকথা, সোমেন্দ্রনাথ বসু সম্পাদিত - 'কাছের মানুষ বঙ্কিমচন্দ্র', ১৯৬৪, পৃ: ১০৬-৭।
- ৪। Charles Stewart - History of Bengal, 1904, p.205.
- ৫। বঙ্কিমচন্দ্র চট্টোপাধ্যায় - দুর্গেশনন্দিনী, প্রথম খণ্ড, তৃতীয় পরিচ্ছেদ, বঙ্কিমরচনাবলী (১ম খণ্ড), ১৩৯১, পৃ: ৬।
- ৬। বঙ্কিমচন্দ্র চট্টোপাধ্যায় - প্রাগুক্ত, পৃ: ৫।
- ৭। যদুনাথ সরকার - প্রাগুক্ত, পৃ: ৮ - ৯।
- ৮। S.Roy - Akbar; The History and Culture of of the Indian people, Vol.VII, Ed. by R.C.Majumder, 1984, p.152.
- ৯। যদুনাথ সরকার - মধ্যযুগের বাঙ্গালার ইতিহাসের মশলা, সাহিত্য পরিষদ পত্রিকা, ৪৭ বর্ষ, ৪র্থ সংখ্যা, ১৩৪৭, পৃ: ২৩৬।
- ১০। Charles Stewart - History of Bengal, 1904, p.206.
- ১১। S.Roy - Ibid, p.141.
- ১২। বঙ্কিমচন্দ্র চট্টোপাধ্যায় - দুর্গেশনন্দিনী, দ্বিতীয় খণ্ড, পঞ্চম পরিচ্ছেদ বঙ্কিম রচনাবলী (১ম খণ্ড), ১৩৯১, পৃ: ৪৭।

- ১০। প্রফুল্ল কুমার দাশগুপ্ত - উপন্যাস সাহিত্যে বঙ্কিম, ১০৬৮, পৃ: ৫০।
- ১৪। যদুনাথ সরকার - ঐতিহাসিক ভূমিকা, দুর্গেশনন্দিনী, ১০৫৮, পৃ: ১১।
- ১৫। Charles Stewart - History of Bengal, 1904, p.206.
- ১৬। S.Roy - Ibid, p.152.
- ১৭। Abul Fazal - Akbarnama, Vol.III, Trn. by A.Baveridge,1939,p.879.
- ১৮। Charles Stewart - History of Bengal, 1904, p.206.
- ১৯। Charles Stewart - Ibid, p.206.
- ২০। বঙ্কিমচন্দ্র চট্টোপাধ্যায় - দুর্গেশনন্দিনী, দ্বিতীয় খণ্ড, একাদশ পরিচ্ছেদ, বঙ্কিম রচনাবলী (১ম খণ্ড), ১০৯১, পৃ: ৬১।
- ২১। যদুনাথ সরকার - প্রাগুক্ত, পৃ: ৬ - ৮।
- ২২। রাজেন্দ্রলাল মিত্রের 'বিবিধার্থ সংগ্রহ'-এ 'আফগান বা পাঠান জাতি' নামক প্রবন্ধে পাঠানদের অতিথি পরায়ণতা, সুদেশান্দ্রাগ, স্বাধীনতাপ্রীতি প্রভৃতি নানা গুণের প্রশংসা আছে। খুব সম্ভব বঙ্কিমচন্দ্র প্রবন্ধটি পাঠ করে সে কালের পাঠানদের জাতিগত চরিত্র বৈশিষ্ট্য অবগত হন এবং তার সহায়তায় ওসমান চরিত্র পরিকল্পনা করেন।
- ২৩। বঙ্কিমচন্দ্র চট্টোপাধ্যায় - দুর্গেশনন্দিনী, দ্বিতীয় খণ্ড, একাদশ পরিচ্ছেদ বঙ্কিম রচনাবলী (১ম খণ্ড), ১০৯১, পৃ: ৬১।
- ২৪। বিজিত কুমার দত্ত - বাংলা সাহিত্যে ঐতিহাসিক উপন্যাস, ১০৬৯, পৃ: ৭৬-৭৭।
- ২৫। L.S.S.O.Malley - Bengal District Gazetteers : Hooghly, 1912, p.288-89.

- ২৬। বঙ্কিমচন্দ্র চট্টোপাধ্যায় - দুর্গেশনন্দিনী, প্রথম খণ্ড, পঞ্চম পরিচ্ছেদ, বঙ্কিম রচনাবলী (১ম খণ্ড), ১৩২১, পৃ: ৭-৮।
- ২৭। বিজিত কুমার দত্ত - প্রাগুক্ত, পৃ: ৮৭।
- ২৮। বঙ্কিমচন্দ্র চট্টোপাধ্যায় - কপালকুন্ডলা, প্রথম খণ্ড, প্রথম পরিচ্ছেদ, বঙ্কিম রচনাবলী (১ম খণ্ড), ১৩২১, পৃ: ৮৫।
- ২৯। বঙ্কিমচন্দ্র চট্টোপাধ্যায় - প্রাগুক্ত, পৃ: ৮৫।
- ৩০। মুকুন্দরামচক্রবর্তী - কবিকঙ্কণ চণ্ডী (২য় ভাগ), ১৯২৬, পৃ: ২৫৪।
- ৩১। রমেশচন্দ্র যজ্ঞমদার - বাংলাদেশের ইতিহাস (২য় খণ্ড), ১৩৮৫, পৃ: ২২১-২২।
- ৩২। Richard Burn (ed.) - The Cambridge History of India, Vol. IV, 1963, p.160.
- ৩৩। বঙ্কিমচন্দ্র চট্টোপাধ্যায় - কপালকুন্ডলা, তৃতীয় খণ্ড, তৃতীয় পরিচ্ছেদ, বঙ্কিম রচনাবলী (১ম খণ্ড), ১৩২১, পৃ: ১১৪।
- ৩৪। R.C.Majumder & Others - An Advanced History of India, 1981, p.459.
- ৩৫। Beni Prasad - History of Jahangir, 1962, p.163.
- ৩৬। বঙ্কিমচন্দ্র চট্টোপাধ্যায় - কপালকুন্ডলা, দ্বিতীয় খণ্ড, ষষ্ঠ পরিচ্ছেদ, বঙ্কিম রচনাবলী (১ম খণ্ড), ১৩২১, পৃ: ১০৭।
- ৩৭। Charles Stewart - History of Bengal, 1904, p.275.
- ৩৮। Charles Stewart - History of Bengal, 1904, p.275.
- ৩৯। Charles Stewart - History of Bengal, 1904, p.273.